

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2018/1567**

2019/EES/31/14

frá 18. október 2018

um leiðréttingu á framkvæmdarreglugerð (ESB) 2018/249 frá 15. febrúar 2018 um leyfi fyrir táríni, betaalaníni, L-alaníni, L-arginíni, L-asparssýru, L-histidíni, D,L-ísólefsíni, L-lefsíni, L-fenýlalaníni, L-prólíni, D,L-seríni, L-týrósíni, L-meþíóníni, L-valíni, L-systeíni, glýsíni, mónónatríumglútamati og L-glútamínsýru sem fóduraukefni fyrir allar dýrategundir og L-systeínhydróklóríðmónóhýdrati fyrir allar dýrategundir, að undanskildum köttum og hundum (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1831/2003 frá 22. september 2003 um aukefni í fóðri ⁽¹⁾, einkum 2. mgr. 9. gr.,

og að teknu tilliti til eftirfarandi:

- 1) Með framkvæmdarreglugerð framkvæmdastjórnarinnar (ESB) 2018/249 ⁽²⁾ eru tiltekin fóduraukefni leyfð sem bragðefni, þ.m.t. glýsín, L-systeín og L-systeínhydróklóríðmónóhýdrat.
- 2) Í viðaukanum við framkvæmdarreglugerð (ESB) 2018/249 er villa í færslunni fyrir glýsín þar sem tilgreint er í dálknum „önnur ákvæði“ að á merkimiða fyrir aukefnið eigi að koma fram að tillagt hámarksinnihald virka efnisins í heilfóðri með 12% rakainnihald sé 25 g/kg fyrir aðra flokka og tegundir. Í samræmi við álit Matvælaöryggisstofnunar Evrópu ⁽³⁾, sem gefið var út vegna leyfis fyrir þessu fóduraukefni, er rétt magn 25 mg/kg.
- 3) Villur eru í viðaukanum við framkvæmdarreglugerð (ESB) 2018/249 í færslunum fyrir L-systeín og L-systeínhydróklóríðmónóhýdrat varðandi framleiðsluferli virka efnisins. Einkum er tilgreint í dálknum „Samsetning, efnaformúla, lýsing, greiningaraðferð“ að virka efnið sé framleitt með efnasmíði eða vatnsrofi prótína. Í þeim hluta er sleppt að tilgreina að vatnsrof prótína er gert með dýra- eða jurtaþrótíni og að notkun mannhárs, sem hægt væri að nota sem uppsprettu fyrir vatnsrof við framleiðslu þessa tiltekna aukefnis, er ekki leyfð.
- 4) Röngu ákvæðin hafa valdið ruglingi fyrir stjórnendur fódurfyrirtækja að því er varðar raunveruleg ákvæði varðandi setningu viðkomandi aukefna á markað. Þessar aðstæður hafa valdið réttaróvissu varðandi gildandi regluramma. Þessar villur hafa því valdið einhverri markaðsröskun í tengslum við viðkomandi leyfi fyrir setningu á markað og notkun glýsíns, L-systeíns og L-systeínhydróklóríðmónóhýdrats. Leiðréttingarnar á framkvæmdarreglugerð (ESB) 2018/249 ættu því að gilda afturvirkir frá og með gildistökudegi þeirrar framkvæmdarreglugerðar í því skyni að koma aftur á réttarvissu í tengslum við lagalega stöðu aukefnanna sem villurnar taka til, að koma í veg fyrir skaðlegar afleiðingar fyrir hlutaðeigandi stjórnendur og í kjölfarið koma á stöðugleika aftur á markaði.
- 5) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

I. gr.

Viðaukinn við framkvæmdarreglugerð (ESB) 2018/249 er leiðréttur í samræmi við viðaukann við þessa reglugerð.

(*) Þessi ESB-gerð birtist í Stjútíð. ESB L 262, 19.10.2018, bls. 31. Hennar var getið í ákvörðun sameiginlegu EES-nefndarinnar nr. 51/2019 frá 29. mars 2019 um breytingu á I. viðauka (Heilbrigði dýra og plantna) við EES-samninginn (bíður birtingar).

(1) Stjútíð. ESB L 268, 18.10.2003, bls. 29.

(2) Framkvæmdarreglugerð framkvæmdastjórnarinnar (ESB) 2018/249 frá 15. febrúar 2018 um leyfi fyrir táríni, betaalaníni, L-alaníni, L-arginíni, L-asparssýru, L-histidíni, D,L-ísólefsíni, L-lefsíni, L-fenýlalaníni, L-prólíni, D,L-seríni, L-týrósíni, L-meþíóníni, L-valíni, L-systeíni, glýsíni, mónónatríumglútamati og L-glútamínsýru sem fóduraukefni fyrir allar dýrategundir og L-systeínhydróklóríðmónóhýdrati fyrir allar dýrategundir, að undanskildum köttum og hundum (Stjútíð. ESB L 53, 23.2.2018, bls. 134).

(3) *Tíðindi Matvælaöryggisstofnunar Evrópu* 2014 12(5), 3670.

2. gr.

Gildistaka

Reglugerð þessi öðlast gildi daginn sem hún birtist í *Stjórnartíðindum Evrópusambandsins*.

Hún kemur til framkvæmda frá og með 15. mars 2018.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 18. október 2018.

Fyrir hönd framkvæmdastjórnarinnar,

Jean-Claude JUNCKER

forseti.

VIÐAUKI

Ákvæði viðaukans við framkvæmdarreglugerð (ESB) 2018/249 eru leiðrétt sem hér segir:

- 1) Í færslunni sem varðar efni 2b17034 glýsín er dálkurinn „Önnur ákvæði“ leiðréttur sem hér segir:
 - a) Í stað 3. liðar komi eftirfarandi:

„3. Á merkimiða aukefnis skal tilgreina eftirfarandi: „Ráðlagt hámarksinnihald virka efnisins í heilfóðri með 12% rakainnihald:

 - 20 g/kg fyrir ketti og hunda,
 - 25 mg/kg fyrir aðrar tegundir og flokka.“
 - b) Í stað 5. liðar komi eftirfarandi:

„5. Tilgreina skal virkan hóp, kenninúmer, heiti og viðbætt magn virka efnisins á merkimiðum fyrir fóðurefni og fóðurblandur ef farið er yfir eftirfarandi magn af virku efni í heilfóðri með 12% rakainnihald:

 - 20 g/kg fyrir ketti og hunda,
 - 25 mg/kg fyrir aðrar tegundir og flokka.“
- 2) Í stað textans „Framleitt með efnasmíði eða vatnsrofi prótína“ í færslunni sem varðar efni 2b17033 L-systeín, í dálknum „Samsetning, efnaformúla, lýsing, greiningaraðferð“, kemur textinn „Framleitt með efnasmíði eða vatnsrofi dýra- eða jurtaþróttína“.
- 3) Í stað textans „Framleitt með efnasmíði eða vatnsrofi prótína“ í færslunni sem varðar efni 2b920 L-systeínhýdróklóríð-mónóhýdrat, í dálknum „Samsetning, efnaformúla, lýsing, greiningaraðferð“, kemur textinn „Framleitt með efnasmíði eða vatnsrofi dýra- eða jurtaþróttína“.